

DECRETA^I

CONGREGATIONIS

GENERALIS

V N D E C I M A.



Vm ex Decreto Innocen-
tij X. Pontificis Maximi
de habendis Congrega-
tionibus generalibus sin-
gulo quoque nouennio,
haberi Cōgregatio huius-
modi deberet ante exeun-

tem Martium currentis anni 1661. impe-
tratum est à S. D. N. Alexandro VII. vt
pro maiore eorum, qui ad illam conuentu-
ri essent commoditate, illius cogendæ tem-
pus vsque ad insequentem Maium eiusdem
anni prorogaretur.

Ad diem itaque 8. Maij, in quem indi-
cta à R. P. N. Generali Gosuino Nickel
erat Cōgregatio, cum adessent Patres om-
nes, quibus ius erat conueniendi, exceptis
Patribus Lusitanis, & Sardis, ac P. Io: Bapti-
sta Viuet Rectore Barcinonensi, qui tamen
eo die expectabatur; nullaue affulgeret iu-

*Desideratio
initio Con-
gregationis.*

A

sta

2 Decreta Congregationis

ita spes aduentus, neque Substitutorum è Sardinia pro Viceprovinciali, & Socijs, luctuosum ad ostia Tiberina naufragium passis, neque Lusitanorum Patrum; visum, fuit inchoari oportere Congregationem sine dilatione; adeoque inchoandam esse postredie eius diei.

Decretum 1. in MS. Act. 5.

CVM R. Pater N. Generalis ostendisset Congregationi se ob senij grauitatem, & corporis impedimenta, nō posse amplius tot, ac tantis officij sui laboribus parem esse, & eo animi vigore, quō oporteret Societatis gubernationem administrare, ideōque vltro rogaret, vt Vicarius sibi daretur vel ad tempus, vel perpetuus, & cum iure, vel sine iure successionis, prout ipsi Congregationi videretur, præsenti statui, rebusque Societatis magis conducere: Congregatio obsequendum duxit voluntati charissimi, optimèque meriti Parentis sui. Quō tamen certum opportunumque consilium in tanta re, commodius caperet, indixit biduanam deliberationem, & cessationem interim à confessionibus; adiecit P. N. Congregatione probante, præcepti obligationē, de re dum geritur, nemini vulganda.

Decretum 2. in MS. Act. 6.

EXACTO biduo ad deliberationem indicto, conuenerunt Patres ad decernendum, secretis suffragijs (nam id petierat P. N.

Ge-

Do eligendo Vicario Generali.

Eligendus Vicarius cum iure successionis.

Generalis, & Congregatio approbauerat) cuiusmodi Vicarius eligendus in præsens videretur? omniumque solis quinque exceptis, concors sententia fuit, eligendum Vicarium perpetuum, cum iure succedendi. Electio autem visa est differenda tantisper dum conueniri super ea opportuniùs posset Summus Pontifex ad Urbem, vnde tunc aberat, rediturus propediem.

Decretum 3. in MS. Aët. 7. 8. & c.

P N. Generalis à dirigendæ Congregationis officio ob inualetudinem reuocatus, vices suas P. Dominico Langa,

*Absentia
P. Nostri.*

Assistenti Hispaniæ, & Assistentium antiquissimo, commisit, nec amplius vlli conuentui interfuit. Cum autem ageretur de Postulato duarum Prouinciarum, vt iurati ferant iudicium, qui iudicaturi sunt de excellentia talenti, quod supplere potest defectum doctrinæ requisitæ ad Professionem, post longam, & accuratam disceptationem, iudicatum tandem est magno suffragiorum concursu duas tertias non parum superante, non esse iuramentum eiusmodi exigendum, & sufficere ad Postulari finem, si præscriptæ in Congregationum Decretis pro subiecta materia cautiones adhibeantur. Et cum postridie Patrum vnus intercessisset, auditæque essent illius rationes, censuit Congregatio non esse intercessionem deferendum.

De excellentia talenti ad professionem non exigendum iuramentum.

4 Decreta Congregationis

Decretum 4. in MS. Aët. 16.

*Petenda fa-
cultas eli-
gendi Vi-
carium per-
petuum.*

Habita declaratione mentis Patris N. Generalis de potestate, quā habiturus esset Vicarius mox eligendus, statuit Congregatio, ut libellus supplex offerretur summo Pontifici, quo communi nomine Congregationis, & Patris N. Generalis postularetur Apostolica benedictio, & facultas quatenus opus esset ad eligendū Vicarium perpetuū cum iure successionis, & cum vniuersali, ac libero exercitio potestatis. Designatio autem Patrum, qui libellum offerrent, permissa fuit P. Generali,

Decretum 5. in MS. Aët. 17. 18. 19. 20.

*Procurator
Sardiniae
admissus ad
negotia.*

Oblatis Congregationi patentibus literis Prouincialis Sardiniae, quibus P. Iacobum Cartam eius Prouinciae subditum Romae agentem, Procuratorem constituit ad negotia cū approbatione Patris N. Generalis, rogata est Congregatio: Placeret ne illum admitti? Censuit illa admittendum, & quidem de iure, sed ad negotia tantum, post electionem Vicarij.

Decretum 6. in MS. Aët. 20.

*Breue Pon-
tificium de
eligendo Vi-
cario per-
petuo impe-
tratum.*

Publicè lectum est Breue Pontificium, quo ample, & plene tribuitur Congregationi petita facultas eligendi Vicarium Generalem perpetuum cum futura successionē, ac cum vniuersali, & libero exercitio potestatis. Cumque omnia iam essent satis expedita, placuit inchoari die proximē
se-

Vndecimæ Generalis . 5

sequenti quatrimum ante electionem ,
proponique Interrogatorium, & fieri cæte-
ra quæcunque ad negotium transigendum
quirebantur .

Decretum 7. in MS. Act. 17. & 20.

DE formula iuramenti præstandi in
electione Vicarij statuit Congrega-
tio vt eadem esset, quæ in Generalium ele-
ctionibus vsurpatur, sola vocis *Generalis* ,
in voces ; *Vicarij Generalis, cum iure succe-*
dendi mutatione .

*Formula
eligendi Vi-
carium per-
petuum .*

Similiter retinendam censuit formulam
Decreti, quæ in Generalium electionibus
enunciatur, sola mutatione vocis *Generalem*
in voces: *Vicarium Generalem cum iure succe-*
dendi, & potestate iuxta Breue Apostolicum
datum 1. Iunii 1661.

Decretum 8. in MS. Act. 22.

DIE 7. Iunii, qui felicibus auspicijs in-
cidit in tertium diē festum delapsi in
cætum Apostolorum, & Discipulorum Spi-
ritus Sancti, omnibus rite seruatis, acce-
ptisque à P.N. Generali ob inualetudinem
absente suffragijs, electus est primo scruti-
nio Vicarius Generalis perpetuus cum iu-
re succedendi, & potestate iuxta Breue Apo-
stolicum R.P. Ioannes Paulus Oliua elector
Prouinciæ Romanæ, & confectum promul-
gatumque de more super ea re decretum,
est à Padre Dominico Langa Præfide Cõ-
gregationis .

*Electio Vi-
carij .*

6 Decreta Congregationis

Decretum 9. in MS. Aët. 23.

*De vocabu-
lo Nationis
in formula.*

Ad instantem Assistentium electionem visum est statuere pro hac vice, & nullo ad futuras Congregationes præiudicio, ut nomen *Nationis* ex qua eligi deberet iuxta formulam §. 78. sumeretur non ut synonymum Assistentiæ, sed pro sola ea complexione nationum, ex quibus una Assistentia componitur.

Decretum 10. in MS. Aët. 24.

*Electio qua-
tuor Assi-
stentium.*

Die 12. Iunij, qui erat ultimus quatri-
dui indicti ad Assistentium electionem,
electi sunt Assistentes Italiae P. Alexander
Eliscus Præpositus Domus professorum Medio-
lanensis, primo scrutinio; Germaniæ P. Ca-
rolus de Noyelle Substitutus Secretarij So-
cietatis pro Assistentia Germaniæ tertio scru-
tinio; Galliæ P. Claudius Boucher Prouin-
cialis Franciæ, primo scrutinio; Hispaniæ
P. Sebastianus Izquierdo Rector Collegij
Complutensis, secundo scrutinio. Electione
Assistentis Lusitaniæ iudicatum est ea die
superfledendum, ob absentiam PP. Lusitano-
rum. Electi autem præstiterunt de more
iuramentum, vocato post electiones omnes
peractas ad hoc ipsum præstandum Patre
Carolo de Noyelle, qui cæteri non intererat.

Decretum 11. in MS. Aët. 25. & 26.

*Electio Ad-
monitoris.*

P Dominico Langa P. N. Generalis, iam
ab annis aliquot Admonitore, ultro-
neam officij illius abdicationem non semel
apud

apud Congregationem, & apud P.N. proponente, atque urgente, ac tandem impetrante, electus est in Admonitorem tum Generalis, tum Vicarij P. Nicolaus Zuchius secundo scrutinio.

Decretum 12. in MS. Aët. 25. 26. 27.

A Vdito postulato plurium Prouinciarum de petenda à Pontifice abrogatione Breuis Innocentij X. *Prospero, felicique statui &c.* Censuit Congregatio consensu plane vnanimi, tentandam esse Breuis totius abrogandi postulationem; qua minime succedente, singillatim pro partibus supplicaretur; factaque deinde de singulis, post alatas, & discussas prius in partem vtramque rationes, propria suffragatione, confirmatum est, primò, nullo prorsus dissentiente, petendam abrogationem triennij præfixi gubernationi Superiorum, & imperatæ post triennium exactum, quietis. Secundo, de Congregationum nouennialium abrogatione concors similiter fuit omnium, duobus solis exceptis, consensio.

Decretum 13. in MS. Aët. 27. & 28.

Proposita est quæstio: an impetrata abrogatione Congregationum nouennialium, num videretur nihilominus fore ex re Societatis, si ab hac ipsa Congregatione terminus aliquis seu negatiuus, seu positivus Congregationibus habendis præfigeretur. Respondum est concordibus sen-

*Petenda
abrogatio
Breuis In
noc. X.*

*Nullus ter-
minus co-
genda Con-
gener. præ-
figendus a
Soc.*

8 Decreta Congregationis

tentijs, non fore; adeoque nec tunc, terminum vllum præfigendum, etiam non obstante Decreto à Congregatione Octaua, facto ante electionem, vt habetur in Actis MS.

Decretum 14. in MS. Act. 29.

*De Docto-
ribus Theo-
logie ante
ingressum
in Soc.*

Postulatum fuit, vt Congregatio decerneret, satis ne sit ad professionem, quatuor votorum obtinendam si in præuio ad eam examine mediocritatem excedant in doctrina, qui fuerunt in celebri aliqua vniuersitate donati gradu Doctoris in Theologia, cum hoc illis asserere videatur Congregationis VII. decretum 96. & fauere Regula 19. Prouincialis §. 14. in Ratione studiorum.

Decreuit Congregatio satis esse, idque statutum videri in laudato Decreto, cui nullatenus derogatum sit per §. 3. Decr. 37. Congregationis VIII.

Decretum 15. in MS. Act. 29. & 30.

*De obliga-
tione expen-
dendi fru-
ctus bono-
rum.*

Rogata Congregatio, vt declararet, cuiusmodi sit obligatio ex §. 6. Decret. 17. Congregationis VII. expendendi in causas pias fructus bonorum, quorum possessionem nostri retinent. Declarauit: relicta in suo vigore paupertatis obligatione, intuitu Subditi bona possidentis, nullum Prouinciali per laudatum Decretum in materia, votoue paupertatis grauamen imponi, neque valorem actuum elidi, quibus ipse

ipse de fructibus illis aliter disponat, aut disponi permittat.

Decretum 16. in MS. Aet. 31. 43. 62.

Cum postularetur dissolutio duorum Collegiorum malè omnino constitutorum; Congregatio fecit P. Vicario amplam potestatem dissoluendi non solum dicta duo Collegiola, sed & alia quæcumque eiusdem notæ, ac rationis, non tantum in Prouincia Romana, aut Neapolitana, ubi maior huius rei vrget necessitas, sed vniuersim in tota Societate; & occasione hinc accepta eidem commendauit, vt se in admittendis nouis Collegijs exhiberet plane difficilem.

Facta potestas dissoluendi parua Collegia.

Posuit etiam in ipsius potestate, & arbitrio postulatam translationem Domus Probationis Moguntinæ in Prouincia Rheni superioris Aschaffenburgum; & Salinensis in Prouincia Lugdunensi, Vesuntionem; commutationem item Domus Professæ Villanicosæ in Prouincia Translagana, in Collegium.

Decretum 17. in MS. Aet. 31.

Delato ad Congregationem iudicio Patrum, pro Paupertate Deputatorum, de potestate Præpositi Generalis ad admittendam, & ratam habendam, post donantis mortem, vel professionē, donationē à Scholastico Societatis antè factam certo alicui Collegio: Probauit iudicium Congregatio, suo-

Donatio Scholastici potest rata haberi post ipsius mortem, vel professionem.

10 Decreta Congregationis

suòq; decreto firmatū voluit esse in potestate Generalis admittere, & ratas habere donationes huiusmodi, non obstantibus contrarijs rescriptis Præpositorum Generalium.

Decretum 18. in MS. Añ. 32.

Propositum est Congregationi ab ipso P. Vicario de quærendo, parandoque efficaci remedio ad fortiter comprimendam perniciosam libertatem edendorum librorum sine facultate, seu proprio, seu alieno, aut etiam suppresso nomine. In quo cū multa à multis essent solerter excogitata, & inter opinandum adducta, conuenit Cōgregatio communiore consensu, in ea quæ sequuntur.

*Contra imprimentes
libros sine
facultate.*

1. Vt in Authores animaduertatur grauib; certisque pœnis incurrendis: putà, priuatione officij, vocis item actiuz, & passiuæ, inhabilitate etiā ad Dignitates, & Prælaturas Societatis, pœnis etiam corporalibus, pro delicti grauitate, Superioris arbitrio decernendis.

2. Vt hæc ipsa pœnarum capita ad cōplices, & cōscios etiam Superiores, ea proportionē extendantur, qua ipsi magis, minusue vel Scriptoris consilia promouendo, vel eadem non reuelando; vel ex officio non impediendo; in præsentem Societatis perniciem dedecusque peccauerint.

3. Vt librorum nomine intelligi etiam debeant libelli, & folia (vt vocant) volantia,

Vndecimæ Generalis. I I

tia , ac demum quidquid prælo ad publicam lucem committitur .

4. Ut præsumptio fraudis contra illos stare censeatur à quibus accepta scripta Externi vulgauerint .

Decretum 19. in MS. Aët. 34. 35. 40.

Cum peruenisset ad Congregationem per vnum aliquem è PP. Electoribus, notitia Epistolæ ab Reuerendis. P. F. Ioanne Baptista de Marinis Magistro Generali Venerabilis Ord. Prædicatorum ad dilectos sibi in Dei filio vniuersos , & singulos eiusdem Venerabilis Ordinis fratres , directæ , eiusque manu subscriptæ , ac sigillo munitæ , & ab Ordinis Secretario traditæ , in qua Decreta aliquot continentur in honorem , commendationemque Societatis , in Comitij Generalibus Ordinis condita . Censuit Congregatio, nulla etiam maiori expectata huius rei notitia , huic prouocationi honorariæ respondendum imprimis honorifica gratiarum actione , nomine suo, eidem Reuerendis. P. Mag. Generali deferenda , tum deinde graui ad nostros omnes commendatione, quam ex Congregationis vtriusque sensibus voluit renouatam: Nimirum, ut Illustris. natuq; maiorem in Ecclesia Ordinem , sanctitate , doctrina, rebusque præclare gestis de illa optimè meritum , peculiari beneuolentia complectantur ; de illo magnificè sentiant , & loquantur ; alijsque

*Veneratione particulari prosequendus
Ven. Ordo Prædicatorum .*

vene-

12 Decreta Congregationis
venerationis significationibus, & charitatis
officijs prosequantur.

Decretum 20. in MS. Añ. 35. 37. 44.

*Collegia
possunt gra-
uari ad sol-
uendum
annuam
pensionem
Domui pro-
fesse durā-
te fabrica.*

EX occasione fabricæ Templi, & Do-
mus professæ Neapolitanæ adductum
est in quæstionem; an possint Collegia, aut
Domus Probationis Societatis, salua pau-
pertate propria nostrarum Domorum pro-
fessarum, grauari à Testatore, seu Funda-
tore ad exædificandum Domui professæ
Templum, vel Domum collatis in eam-
rem certis redditibus annuis, quamdiu fa-
brica durauerit, etiamsi contingeret eam
ad triginta, vel quadraginta, & amplius
annos durare; super qua quæstione multum
ac diligenter discussa, approbauit tandem
Congregatio vno terè consensu, iudicium
Patrum pro paupertate Deputatorum; ni-
mirum, nequaquam esse contra pauperta-
tem Domorum professorum, quod in quæ-
sito proponitur, si nempe res transi-
gatur ad eundem modum, quo facta, &
transacta Neapoli proponebatur.

Cæterum pertinere ad prudentiam supe-
riorum, ne diutius, quàm iusta necessitas tulerit,
Domus professæ talibus redditibus fruā-
tur. Et cum nihilominus aliquis contra in-
tercessisset, auditæ sunt illius rationes, di-
ctisque iterum sententijs, probatum, fir-
matumque est decretum iam sancitum vna-
nimi planè consensu.

De-

Decretum 21. in MS. Aft. 36. & 37.

Retulerunt ad Congregationem Deputati pro Constitutionibus, & Decretis. In editione Decretorum tum Romana anni 1616. tum Antuerpiensi anni 1635. verè mendosum esse textum Decreti 23. Congregationis secundæ, vbi in adiuncto Definitorum Decreto, leguntur hæc verba. [quod si aliquis imperfectionem secutus particulari alicui Societatis nostræ loco, intra Prouinciam] cum legi debeat (extra Prouinciam) vt habent originalia manuscripta, & colligitur manifestè ex aduersatina particula paulò post adiuncta (si verò alicui collegio intra Prouinciam).

*Menda in
Decretis
Congr. cor.
r. lta.*

Item mēdum irrepsisse in Decretum 51. Congregationis V. & in cap. 5. Ordin. General. vbi enim in Decreto legitur, placuisse Congregationi, vt postularetur dispensatio super illa parte Decreti Clementis VIII. quæ iubet deputari Confessarios, qui (*à reservatis absoluant*) & in ordinatione; impetratam esse dispensationem, ne teneantur Superiores deputare Confessarios, qui (*à reservatis absoluant*) legendum esse (*à non reservatis*) vt constat ex textu decreti Pontificij, adeoque inferendam esse in vtroque loco particulam negatiuam (*non*) ante vocem (*reservatis*.)

Agnouit Congregatio ita planè, vt Deputati retulerant, rem se habere, ac proinde

14 Decreta Congregationis
de etiam decreuit, emendandos dictos mē-
dosos textus ad eum modum, quem iidem
Deputati proposuerant.

Decretum 22. in MS. Art. 37.

*Contra la-
nas opinio-
nes in mo-
ralibus.*

Complurium Prouinciarum postulatio
fuit, vt cū Societas ita nunc passim
male audiat, & traducatur quasi nimis la-
xas in moralibus opiniones doceat, & in
praxi sequatur; aliquod adhibeatur efficax
tantomalo remedium. Congregatio am-
plexa iudicium Deputatorum pro studijs
statuit: Primò monendos seriò Professo-
res Theologiæ moralis, cautè omnino vt
doceant, neque quòd aliquid probabile re-
putent, illicò sibi licere arbitrentur, illud
in publicum scripto, verboue protrudere.
Sed ad id attendant maximè, quod mo-
net Congregatio v. Decr. 41. an communi
Scholarum sensui congruat; ac præterea scā-
dalum, vel offensionem aliquam vsquam
parere possit. Superiores autem, si quos
nouitatum amantes, aut parum cautos in
docendo compererint, à munere docendi
submoueant, speque omni illius priuent,
pœnis etiam alijs, si fortè opus ijs esse sen-
serint, coerceant.

2. In librorum editione, onerandam
Censuram fidem, & conscientiam, seueròs
vt se potius, quam molles exhibeant, neque
aliquid etiam dubij, ad Societatis famam,
periculi sine graui censura abire patiantur:

& si

& si quid tale occurrerit Patri Nostro sin-
cere , & fideliter prodant .

3 In priuatis congressibus, & responsis
diligenter cauendum nostris , ne aliquid
promant , quod vulgari minimè vellent
Nunquam autem scripto respondeant, in-
rebus præsertim grauioribus, nisi consulto,
& probante Superiore .

4 Texendum Elenchum , sententiarum
in morali periculolarum, exquisito primum
Prouinciarum sensu , de sententijs , quæ
apud singulas scandalum ; aut offensionem
aliquam habent adiunctam , eumque mit-
tendum ad singulas , & in singulis exami-
natum , iterumque Romæ recognitum , ac
probatum , ritè communicandū omnibus.

Decretum 23. in MS. Act. 39. & 40.

CUm permulta essent in medium alla-
ta ad paupertatem nostram conseruā-
dam in sua puritate, & restituendam etiam
sicubi labefactata videretur , eaque in pri-
mis , quæ à Patribus Deputatis pro pau-
pertate fuerant solerter excogitata : Cen-
suit tandem Congregatio communi con-
sensu , committendum P. Vicario , vt ipse
pro sua prudentia ex ijs , illa eligeret , quæ
magis apta, & opportuna esse iudicauerit .

Decretum 24. in MS. Act. 42. 45. 47. 48.

Avdito iudicio Patrum Deputatorum
pro studijs , probauit Congregatio ,
suoque Decreto fanciuit .

*De purita-
te Pauper-
tatis con-
seruanda*

16 Decreta Congregationis

*De exami-
ribus in
studijs,*

1 Vt Metaphysici iuxta Regulam 23. Præfeti studiorum, & à tertio ad quartum Theologiæ annum gradū facturi vnus horæ spatio examinentur.

2 Vt in reliquis tum Philosophiæ, tum Theologiæ annis media minimum hora subeatur examen, & Prouinciæ, quæ ex longo iam vſu plus ei temporis tribuunt, consuetudinem suam retineant.

3 Vt examinis annui materia sit ea omnis, quæ à Magistris toto anni currentis spatio tradita fuerit, ijs exceptis, quæ sub ipsum examinis tempus decurruntur, Præfeti studiorum iudicio designandis; siue de cetero Theses ad examen adhibeantur, siue non.

4 Vt qui ante ingressum in Societatem Philosophiæ aliquid aut Theologiæ audiuerint, examinentur, vt præscribit Regula 19. Prouincialis §. 5. in Ratione studiorum: nisi mallent, quod emensi sunt illorum studiorum iter remetiri; quod quidem nisi Superior, iustas ob causas, negandum censuerit, poterit illis vtrò concedi.

5 Vt ad habendum actum Theologicum seu paruum, seu magnum possit aliquis admoneri requirantur Examinatorum suffragia tria, clara, & minime dubia, quæ illius ad actum cum satisfactione habendū capacitatem speciatim enuncient.

6. Si quis habiturus actum magnum,
ab

ab argumentaturis conclusionem impugnā-
dam vel argumentum proponendum in-
quisuerit, is nulla habita ratione iudicij ex
actus successu consecuti, ad examen more
aliorum pro professione subeundum omni-
nò renocetur. Qui verò in actu paruo id
fecisset, excidet spe omni actus magni, &
complices aut administri huius dedecoris,
si qui fuerint, pro ratione culpæ à Superio-
ribus puniantur. Demum Iudices oneratam
sciant conscientiam suam, si, cum aliquid
fraudis interuenisse cognouerint, quo de
doctrina defendentis iudicium debeat non
mediocriter variari, ex solis præcisè respon-
sis, & Actus successu ferant iudicium.

Ad hæc Congregatio præcipua ratione
commendatum voluit P. Vicario, vt de
Theologicorum actuum numero contrahē-
do, nec non de nimij inter eos Magistro-
rum locutionibus compescendis, quoad
prudenter poterit, satagat.

Cum autem interposita esset intercessio
contra eam partem huius decreti, quæ
horam vnam integram examini, à 3.
ad 4. Theologiæ annum subeundo præ-
figit, auditis intercessoris rationibus, con-
firmavit Congregatio quod iam sanciuerat.

Decretum 25. in MS. Aft. 43.

DE Maioribus Hispaniæ quæsitum est,
an Decretum 18. Congregationis V.
vetans admissionem in Societatem sine fa-

*De maiora-
tibus His-
paniæ.*

18 Decreta Congregationis

cultate Generalis, personarum Maioratus iure
gaudentis, illam etiam irritam, & nullam
reddat. Congregatio expensis varijs, ea de
re, Generalium rescriptis, & audito iudicio
PP. Deputatorum pro Constitutionibus,
censuit nequaquam inualidam aut irritam
esse huiusmodi admissionem.

Decretum 26. in MS. Aft. 43. & 44.

Quoniam à tempore, quo Societas no-
stra reuerfa est in Serenissimæ Reipub-
licæ Venetæ ditionem, nunc pri-
mum conuenit in vnum corpus totum Or-
dinem representans; censuit Congregatio
ad contestandum vniuersæ Societatis gra-
tum animum ob tam singulare & im-
mortale beneficium quo vindicata est fa-
ma integritatis nostræ, & ablatum oppro-
brium, quod passim iactabant in nos Hære-
tici, summas quàm humillimè gratias no-
mine totius Ordinis agendas esse Sanctissi-
mo D. N. Alexandro VII. cuius auspicijs,
Pastorali prouidentia, & sapientissimo du-
ctu perfectum felicissimè suscepimus nego-
tium, quod complures antea in agno qui-
dem animi affectu; sed euentu irritò sapius
tentauerant.

Deinde placuit, vt nomine pariter Con-
gregationis conscriberentur literæ ad Se-
renissimam Rempubicam Venetam ad con-
testandam gratam beneficij adhuc recen-
tis in Nostorum receptione memoriam, &
ad

*Agenda
gratia San-
ctissimo D.
N. ob redi-
tum in Sta-
tum Vene-
tum.*

*Etiā Seren-
issima Rei-
publica.*

ad testificandum summū omnium Nostro-
rum pro viribus inserviendi Reipublicæ de-
siderium .

Deniq; quia præcipuus huius tam exopta-
ti reditus secundum illius Auctorem Sāctiss:
D. Nostrum administer existit Illustriss. &
Reuerendiss. D. Carolus Carrasa tunc Sedis
Apostolicæ apud Sereniss. Rempublicam ,
nunc apud S. Cæs. Maiestatem Nuncius, erga
illum quoque simili literarum eucharistica-
rum officio fungendum esse Congregatio
consensu vnanimi decreuit .

Decretum 27. in MS. Aët. 43.

Rogata est Cōgregatio prohibere , ne
deinceps literæ , quæ ad Deputatos
ad Congregationem Generalem scribentur,
à Superioribus Generali inferioribus, ape-
riri , aut retineri possint , sicut nec ad illas
responsa, quod hæ sæpe literæ negotia con-
tineant soli Congregationi, aut Generali
communicanda ; censuit Congregatio om-
ninò concedendum literis , ac responsis
huiusmodi hoc priuilegium, illudque idem
ad Electos in Congregatione Provinciali
Procuratores extendendum .

Decretum 28. in MS. Aët. 27. 45. 47.

Cum spes nulla superesset aduentus Pa-
truni ex Lusitania , visum fuit Con-
gregationi non differre diutius Assistentis
electionem (quam à se faciendam , & non
remittendam, exemplo Congregationis No-

*Etiā Il-
lustriss. Nū-
tius Aposto-
lico .*

*De literis
ad Electos
ad Cong.
Gen. vel
Procur.*

*Electio As-
sistentis Lu-
sitaniæ .*

20 Decrēta Congregationis

næ ad P. Vicarium, iam ante decreuerat) designauitque ex speciali dispensatione quatuor Patres Lusitanos Romæ degentes, sed ad Congregationem non pertinentes, à quibus peti possent informationes, sub iisdem tamen cautionibus, quibus obstringuntur ij, qui ad Congregationem pertinent; ac tandem vltimo die quatruidi ad eam indicti, seruatis omnibus, quæ formula præscribit, electus est primo scrutinio in Assistentem Lusitaniæ P. Gaspar de Gouea. Electioni interfuerunt Congregatione permittente, sed suffragium non tulerunt P. Secretarius Generalis, Procurator Generalis, & Sardinie. *Decretum 29. in MS. Act. 46. 49. 50. 59. 60.*

Et 61.

OB casus nouitatem, electi scilicet Vicarij cum vniuersali, ac libera potestate, & cum iure succedendi, placuit Congregationi illius potestatem magis explicatè, & expressè declarare.

De potestate Vicarij Generalis.

1. Declarauit: Exercitium vniuersale potestatis collatum fuisse Vicario, non cumulatiue, itant in duobus Generali nempe, & Vicario, æquo iure residere deberet; sed priuatiue; idest, ita vt penes solum Vicarium deberet subsistere, atque adeò nō posset Generalis vllam illius sibi partem assumere; itaut si secus aliquid ab eo fieret, illicitè, & inualidè fieret; illudque exercitiū sic explicatū, quatenus opus esset, eidem

Vicario de nouo contulit, suffragatione secreta, quæ dum institueretur, parantem excedere P. Vicarium, Congregatio retinuit, voluitque præsentem adesse. Permissum, tamen, quod petebat, abstinere, vti à ferendo suo, sic ab inspiciendis aliorum suffragijs, quorum proinde inspectio deman- data est Professorum antiquissimo.

2. In casu obitus, vel mutationis ali- cuius ex Assistentibus, declarauit Congre- gatio, & quatenus opus esset, decreuit, no- minationem noui Assistentis pertinere ad P. Vicarium, & quidem vnice, audito ta- men super hac re P. Generalis consilio, & requisito ad nominati confirmationem, suffragio.

3. Declarauit, & quatenus opus esset, decreuit, in casu grauis infirmitatis ipsius Vicarij, posse ipsum substituere sibi alium Vicarium ad regendam per id temporis Societatem.

4. An vero in casu mortis, si forte cōtingeret Vicarium mori, ante Generalem possit Vicarius nominare ante mortem Vi- carium, à quo post illam Societas regatur, vel certe ad quemnam pertineat tunc pro- uidere Societati de Vicario, post agitatam in aliquot sessionibus questionem, cum P. Vicarius semetipsum spontanea iuris ces- sione, exclusisset, eamque exclusionem ipsius rogatu Congregatio admisisset, Eadem cen-

22 Decreta Congregationis

fuit nominationem Vicarij in casu proposito, deferendam esse P. Generali superstiti. simul autem decreuit, vt casu, de quo agitur, eueniente, statim fiat ea nominatio: nomineturque aliquis ex ijs, qui Vicario viuenti adesse solebant, vt formula prescribit, vel ex ijs, qui proximè degunt: tum nouus ille Vicarius Congregationem generalem ad electionem noui capitis statim indicat, atque interea Societatem gubernet potestate libera, & independente, sed eademtaxat, quam habet ex communi iure Societatis Vicarius Generalis demortui.

Decretum 30. in MS. Act. 51. 52.

Actum fuit in Congregatione per plures sessiones de promouendo, augendoque in Societate spiritu, seu studio rerum spiritualium, & cum multa in eam rem à multis præclare dicta essent, totaque Congregatio magnum omnino zelum præferret eius rei solidè instauranda, iudicauit nihilominus abstinendum sibi à nouis, eo super, oneribus decernendis; sed impensè tamen voluit P. Vicario, ac per eum Prouincialibus, & Superioribus alijs commendatum, vt hanc rem, vtpote rerum omnium nostrarum animam, præcipuâ, ac perpetuâ curâ versent, executionem vrgendo eorum, quæ ad eam promouendam habet Societas satis copiosè præscripta.

De promouendo in Societate spiritu.

De-

Decretum 31. in MS. Aët. 54.

Postulauit Procurator Malabaricæ; An qui ex Europa in Indiam veniunt, virtute, doctrina, alijsque de iure nostro requisitis ad Professionem quatuor votorum, instructi, expectare nihilominus ad eam, emittendam illic debeant alios, qui vocatione antiquiores sunt, sed studia nondum absoluerunt?

De promouendis ad professionem.

Censuit autem Congregatio, eos nequam debere expectare, & vniuersè declarauit, nusquam antiquiores a minus antiquis debere expectari; quando minus antiqui habent omnia expedita, & antiquiores vel quia studia non absoluerunt, vel defectu ætatis legitimæ, vel alterius requisiti ex parte ipsorum non sunt adhuc ad proficendum expediti.

Decretum 32. in MS. Aët. 54.

Cum quæreretur ad quem Superiorem, Rectorem scilicet, & Prouincialem pertinere censendi sint, qui in aliena Prouincia, ijsque Urbibus diuersantur, in quibus non est Societatis Domicilium? Respondit, & statuit Congregatio ad propinquo remvique Rectorem censendos esse pertinere, & ad Prouincialem, cui huiusmodi Rector subest.

Diuersantes in aliena Prouincia.

Decretum 33. in MS. Aët. 57.

Proponente P. Vicario, & probante Congregatione, decretum est, indicen-

24 Decreta Congregationis

*Sacrum, &
corona in-
dicta pro S.
D.N.*

dum in Societate vniuersa sacrum vnum ,
& coronam itidem vnā pro S. D. N. Ale-
xandro VII. in aliquale gratitudinis nostræ
specimen, pro tot illustribus beneficijs, &
Apostolicis benedictionibus, quibus Con-
gregationem hanc est impertitus.

Decretum 34. in MS. Act. 59.

*Petenda
confirmatio in
Pontificia
decretorum
de Vicario.*

Etsi videbatur non posse dubium esse,
vllum, quin omnia, quæ ad electio-
nem P. Vicarij, collatamque in eum pote-
statem pertinent, ritè acta essent in Con-
gregatione, cui scilicet, ad ea omnia suf-
ficiens potestas adfuerat, tum ex nostris
Constitutionibus, tum ex Breui Pontificio,
tum denique ex consensu, & approbatione
ipsius P. Generalis, qui propria lyngrapha
concretatus fuerat Congregationi, se omni
meliori modo, quoniam videbat ita expe-
dire Societati nostræ, illa omnia rata ha-
bere; tamen ad rerum gestarum complemē-
tum iudicauit, & decreuit Congregatio, sup-
plicandum Pontifici, vt eadem omnia,
Pontificio diplomate confirmare dignaretur,
quò perennis, atque immobilis firmi-
tatis robur accipiant.

*Confirma-
tio Sæclij.
diplomate
data 30.
Aug. 1661.*

Decretum 35. in MS. Act. 61.

*Congrega-
tio Frouin-
cialis vna
in medio
nouennij.*

Susccepta est deliberatio, an si Pontifex
renueret abrogare Decretum Innocen-
tij X. de Congregationibus nouennalibus,
videretur pergendum in vsu Congregatio-
num Prouincialium triennialium? In qua
de-


deliberatione quia agendum erat, de mutandis, abrogandisue aliqua sui parte Constitutionibus, & Congregationum generalium decretis, quæsitum est primò, placeatne de proposita questione tractari, & cum placuisset, dictæ sunt sententiæ, fueruntque non pauci, qui censerent omittendas omnino Congregationes Prouinciales omnes intermedias, quæ scilicet sunt ad electionem Procuratoris. Sancitum tamen est, vt pro hac vice duæ intra decursum nouennij haberentur, in medio vna ad eligendum Procuratorem, in fine altera ad electionem mittendorum ad Congregationem Generalem.

Decretum 36. in M S. Act. 62.

EXemplo nonnullarum aliarum Congregationum commissa est Patri Vicario Decretorum, & Canonum ex Actis extractio, & cum Prouincijs communicatio. Quo facto, negotijs omnibus iam expeditis, habuit P. Vicarius insignem, & loco, & tempori aptissimam ad Patres congregatos parnesim; tum deinde adis Deo gratijs ex præscripto formulæ inter mutuos amplexus cum maxima charitatis significatione finis impositus est huic Congregationi Xh. die 27. Iulij 1661.

Decretorum, & Canonum extractio.

L A V S D E O.



Index eorum quæ in Decretis Congregationis Generalis XI. continentur.

Actus Theologicus.

Actum Theologicum propugnandum requiruntur tria suffragia. Dec. 24. §. 5. p. 16.

Inquirentes argumentum vel conclusionem ante Actum Theologicum puniendi. Dec. 24. §. 6. p. 17.

Actuum Theologicorum numerus contrahendus. Ibidem.

Admonitor.

Admonitoris electio. Dec. 11. p. 6.

Assistentes. Assistētium electio. Dec. 10. & 28. p. 6. & 19.

De voce Nationis ex qua eligi debent. Assistentes. Dec. 9. p. 6.

Collegia.

Collegiorum dissoluendorum potestas facta P. Vicario. Dec. 16. p. 9.

Collegia grauari possunt ad pendendos annuos cen-

sus Domus professa durante fabrica etiam ad multos annos. Dec. 29. p. 12.

Congregatio Generalis.

Petita abrogatio Breuis de Congregatione Generali nouenniali & alijs punctis. Dec. 12. p. 7.

Nullus terminus praefigendus cogendis Congregationibus generalibus si abrogatur Breue Innocētiij X. Dec. 13. p. 7.

Congregatio Prouincialis.

Congregationes Prouincia-

les duæ tantum in nouennio proximo celebrande, si nō abrogetur Breue Innocētiij X. Dec. 35. p. 24.

Decreta.

Decreta aliqua Congregationis. Dec. 11. & 19. p. 13.

Decretorum & Canonum extractio commissa P. Vi-

cario. Dec. 36. p. 25.

Doctores Theologiæ.

Doctores Theologiæ ante
ingressum, possunt promo-
ueri ad Professionem 4.
Votorum si excedant me-
diocritatem. Decr. 14. p. 8.

Electio.

Electio Vicarij perpetui cum
iure succedendi proposita
à R.P.N. Generali. Decr.

1. p. 2.

Petenda facultas eligendi à
Pontifice, & obtenta. Dec. 4.
& 6. p. 4.

Formula Iuramenti & De-
creti in Electione Vicarij.
Decr. 7. p. 5.

Electio P. Io. Pauli Oliuæ
in Vicarium. Decr. 8. p. 5.

Electio 4. Assistentium. Decr.
10. p. 6.

Electio Assistentis Lusitanæ.
Decr. 28. p. 19.

Electio Admonitoris. Decr.
31. p. 17.

Examina.

Examina Nostrorum in
studijs quamdiu durare

debeant. Decr. 24. §. 1. &
2. p. 16.

Examinis annui materia

decr. 24. §. 3. p. 16.

Examinandi qui ante ingres-
sum aliquid Philosophiæ
& Theologiæ audierunt
Ibid. §. 4. p. 16.

Generalis.

R.P.N. Generalis proponit
Congregationi varios mo-
dos eligendi Vicarium.
Dec. 1. p. 2.

Absens à Congregatione
propter infirmitatem sub-
stituit loco suo Assistentem
Hispania. Dec. 3. p. 3.

In electionibus secretis duo
habuit suffragia. Dec. 8. p. 5.

Illi permissa designatio eo-
rum qui libellum offerrens
Sūmo Pōtifici. Dec. 4. p. 4.

Libri.

Libros, libellos, vel folia
volantia imprimentes abs-
que licentia grauiter pu-
niendi. Decr. 18. p. 10.

In reuidentis libris de rebus
Moralibus Censores sint
seueri. Decr. 22. p. 14.

Literæ.

Literæ ad electos pro Con-
gregatione generali vel
Procuratorum & Electo-
rum

rum ad alios non aperienda. Decr. 27. p. 19.

Maioratus.

Maioratum habentis in Hispania admissio sine licentia Generalis non est irrita. Decr. 25. p. 17.

Opiniones Morales.

Opiniones laxæ in re Morali vitandæ & Auctores coercendi. Decr. 22. p. 14.

Nemo scripto respondeat in rebus grauioribus Moralibus, nisi probante Superiore. Dec. 22. §. 3. p. 15.

Opinionum periculosarum in re morali Elenchus tenendus. Decr. 22. §. 4. p. 15.

Papa.

S. D. N. Alex. VII. agendæ gratiæ nomine Congregationis ob redditum Societatis in statum Venetum. Decr. 26. p. 18.

Pro sua sâclit, indiçũ sacrũ & Corona per Societate. Decr. 33. p. 24.

Paupertas.

Obligatio in Superiore ad expendendos fructus bonorum, quæ Nostri possident

in causas pias, non pertinet ad votum Paupertatis. Decr. 15. p. 8.

Donatio Scholastici facta Collegio ante mortem vel Vota ultima, potest admitti seu rata haberi à Generali. Decr. 17. p. 9.

Collegia possunt grauari ad soluendos census annuos Domui professæ durante illius subynacti ad multos annos. Dec. 20. p. 12.

Paupertatis puritas valde nostris commendata. Decr. 23. p. 15.

Prædicatorum Vener.

Ordo.

Prædicatorum Ven. Ordo speciali veneratione à nostris prosequendus. Decr. 19. p. 11.

Professio.

De excellentia talenti superplentis doctrinam requisitum ad Profess. non exigendum iuramentum. Decr. 3. p. 3.

Ad Professionem Votorum quatuor admitti possunt Doctores Theologie ante ingressum si excedant medium.

dio.

- diocritatem. *Decr.* 14. p. 8.
 Habentes requisita omnia
 ad professionem non debent
 expectare antiquiores se
 in Societate carentes ali.
 quo requisito ex parte
sua. Decr. 31. p. 23.
 Prouincia.
 In Prouincia aliena diuersan-
tes, ubi non est Collegium,
 subsunt Superiori visinio-
 ris Collegij seu Domus.
Decr. 32. p. 23.
 Spiritus promouendus.
 Cura de spiritu promouendo
 summopere commendata
 P. Vicario. *Decr.* 30. p. 22.
 Vicarius Generalis per-
 petuus
 Vicarius Generalis perpe-
 tuus cum iure successionis
 proponitur à R. P. N.
Decr. 1. p. 2.
 Decernitur ut eligatur. *Decr.*
 2. p. 3.
 Petenda facultas eligendi a
 Summo Pontifice. *Decr.* 4.
 Obtena. *Decr.* 6. p. 4.
 Electus R. P. Io. Paulus
 Olius *Decr.* 8. p. 5.
 Potestas Vicarij Generalis
 perpetui. *Decr.* 29. p. 20.
 Confirmata à Papa ut in
 margine Decreti 34. p. 24.
 In obitu Assistentis potest no-
 minare alium. Decr. 29. §.
 2. p. 21.
 In casu infirmitatis sue potest
 sibi substituere alium Vi-
 carium. ibid. §. 3. p. 21.
 Si moriatur ante Præposi-
 tum Generalem quid agen-
 dum. *Decr.* 29. §. 4. p. 21.

